


O'ZBEKISTON  
 DEMOKRATIYA  
 JAMHURIYATI  
 TASHKENT

Kuch — bilim va tafakkurda



# Ma'rifat

ENLIGHTENMENT \* XALO ZIVOLILARI GAZETASI

1931-yildan chiqa boshlagan

2003-yil 8-fevral, shanba

№ 12 (7517)

## ФАРЗАНДЛАРИ СОҒЛОМ ЮРТНИНГ КЕЛАЖАГИ ПОРЛОҚ



Мамлакатимизда жисмоний тарбия ва спортни ривожлантириш, соғлом авлодни вояга етказишга катта эътибор берилмоқда. “Умид ниҳоллари”, “Баркамол авлод” ва “Универсиада” спорт ўйинларидан иборат уч босқичли узлуксиз тизим яратилгани, Президентимиз Фармонига биноан Болалар спортини ривожлантириш жамғармасининг тузилгани фикримизнинг далилидир.

7 февраль куни Оқсаройда Ўзбекистон Болалар спортини ривожлантириш жамғармаси ҳомийлик кенгашининг мажлиси бўлди.

Уни Ўзбекистон Республикаси Президен-

ти, мазкур Кенгаш Раиси Ислоҳ Каримов бошқарди.

Мажлисида Қорақалпоғистон Республикаси Жўрғи Кенгеси раиси, Тошкент шаҳри ва вилоятлар ҳокимлари, тегишли вазирлик ва идоралар раҳбарлари қатнашди.

Жамғарма фаолиятини ташкил этиш борасида амалга оширилган ишлар ҳақида Бош вазирнинг биринчи ўринбосари К.Тўлагановнинг ахбороти тингланди.

Бугунгача барча вилоятларда жамғарманинг минтақавий филиаллари ва уларнинг ҳомийлик кенгашлари тузилди. Эндиги асосий масала намунавий лойиҳалар асо-

сида болалар учун мўлжалланган спорт иншоотлари қуришдан иборат. Жамғарма ҳисоб рақамига маблағлар келиб туша бошлади.

Давлатимиз раҳбари ушбу масала юзасидан ўз фикрини билдирар экан, мамлакатимизда Болалар спортини ривожлантириш жамғармаси тузилгани эзгу мақсадларни амалга оширишга қаратилган катта ҳаракатнинг бошланиши эканлигини алоҳида таъкидлади. Шунинг учун ҳам бу борада шошма-шошарлик билан енгил-елпи, палатпартиш иш юритиб бўлмайди.

(Давоми 2-бетда)

**QAROR**

O'zbekiston Respublikasi Vazirlar Mahkamasi O'zbekiston Respublikasi Prezidentining “Diniy bayram — Qurbon hayitini dam olish kuni deb e'lon qilish haqida”gi Farmoni ijrosi yuzasidan, 2003 yilda Qurbon hayitining birinchi kuni 11 fevralga to'g'ri kelishi haqida O'zbekiston musulmonlari idorasi murojaatini e'tiborga olib “Qurbon hayitini nishonlash to'g'risida” qaror qabul qilib, 2003 yil 11 fevralni dam olish kuni etib belgiladi va Qurbon hayitini bayram sifatida joylarda keng nishonlash bo'yicha mutasaddi idora va tashkilotlarga tegishli tadbirlarni amalga oshirish yuklatildi.

**SO'NGGI  
 UCH KUN  
 MUJDALARI**

**DASTUR  
 TASDIQLANDI**

O'zbekiston Respublikasi Vazirlar Mahkamasi mahallaning fuqarolarning o'zini-o'zi boshqarish organi sifatidagi roli va ahamiyatini oshirish, milliy qadriyat va an'analarni, o'zaro mehroqibat tuyg'ularini mustahkamlashdagi nufuzini ko'tarish, aholini moddiy va ma'naviy jihatdan qo'llab-quvvatlashni yanada kuchaytirish maqsadida hamda mamlakatimizda 2003 yil “Obod mahalla yili” deb e'lon qilinishi munosabati bilan “Obod mahalla yili” dasturi to'g'risida qaror qabul qildi va “Obod mahalla yili” dasturini tasdiqladi. Mazkur dastur sharhi matbuotda e'lon qilindi.

## ЙЎҚНИ БОР | БОРНИ ЙЎҚ ҚИЛАЁТГАНЛАР

Касби туманининг Қамаш қишлоғида жойлашган 15-мактабга 1984 йилдан буён Қурбоний Шозотова раҳбарлик қилиб келмоқда. Айни кунда 115 нафар муаллим 1353 нафар қишлоқ ёшларига илму одоб ургатишаётир. Мавжуд 44 та синфнинг барчаси синф ва мактабдан ташқари олиб бориладиган тури-туман машгулотларда иштирок этишади.

Гир-атроф топ-тоза. Хона ва заллар давр талаблари асосида кунгилдагидек жиҳозланган. Мактабда меҳнат инти-

зоми яхши йулга қўйилгани боис ҳар ким уз иши билан машгул. Жамоа аъзоларида узаро иззат-хурмат, аҳиллик бор. Бир суз билан айтганда, мактабда таълим-тарбия иши яхши йулга қўйилган.

**ОҲАКЛАРИ  
 ҲАМ ҚАЛБЛАРИДЕК ОҚ**

Биз мактаб остонасини ҳатлаб утганимиз ҳамон асосий ва қушимча бинолардаги ута оқлик диққатимизни узига тортди. Сураб-суриштирдик.

(Давоми 4-бетда)

Алатун қишлоғи “Турон” жамоа ширкат хўжалигининг бепоён кенгликларидеда жойлашган. Қишлоқдаги яккаюягона илм маскани, Зафар Диёр номидаги 39-мактабга бориш учун эса анча-мунча машаққат чекмоқ, бир қатор лой кўчаларни яёв кезиб ўтмоқ лозим. Биз ҳам бир амаллаб мактаб остонасига эсон-омон етиб олганимизда эса, соат ҳали эрталабки 9<sup>30</sup> бўлса-да, илм масканида ҳеч ким йўқ эди. Қашқадарё вилояти Косон тумани ХТБ ходими Дўстмурод Махатов

уддабуронлик билан шу атрофдан 2 нафар кишини бошлаб келди. Уларнинг бири шу мактаб муаллими Ғофир Таштурдиев, иккинчиси эса мактаб директорининг хўжалик ишлари бўйича ёрдамчиси Панжи Қозоқовлар бўлиб чиқишди. Улар шу заҳотиёқ мактаб раҳбарларининг уйларига чопарликка жўнашди. Бироз фурсат ўтгач, мактаб директори Бойхўроз Сувонов ҳам етиб келди.

— Қани, кеп қолингизлар, — деди у. — Сизларни танимайроқ турибман?

(Давоми 4-бетда)

**Ikki xil manzara**

ГАЗЕТАНИ ВАРАҚЛАҒАНДА:	“ТАЪЛИМ ТЎҒРИСИДА”ГИ ҚОНУНИНГ ҚОРАҚАЛПОҒИСТОНДАГИ ИЖРОСИ ҚАНДАЙ? 2-бет	НАВОЙНИНГ БУНЁДҚОРЛИК ФАОЛИЯТИ 3-бет	“ОЗ БАХТ — КЎП ХУСНДАН ЯХШИРОҚ” 5-бет	НАВОЙДАН НУР ОЛАР ОЛАМ 7-бет	“БОБУРНОМА” (табдил) 8-бет	“БҮЮК ИЖОДҚОР” АЙЛАНМА КРОССВОРДИ 16-бет Газетанинг навбатдаги сони 2003 йил 15 февралда чиқади.
---------------------------	---	---	--	---------------------------------------	----------------------------------	--











# НАВОИЙДАН НУР ОЛАР ОЛАМ

Миллий маънавиятини юксалтириш ва ўзликни англаш-Навоийни билишдан бошланади. Ул зот илгари сурган ғоя ва қарашларни чуқур таҳлил қилишимиз ва ўрганишимиз, айна пайт-да ёшлар онгига пешма-пеш сингдириб боришимиз лозим бўлади. Навоий тарғиб этган ғоялар инсониятни меҳрсизликдан ва тубанликка юз тугишдан асраб қолади. Ҳар қайси ўзбек юрагига Навоий яшаши ва бу туйғу миллат фахрига айланиши керак. Зеро, биз ўзбеклар учун ундан-да кучли ва ундан-да юксакроқ тафаккур чўққиси йўқдир. Балки шунинг учун ҳам бу улуг зот кўз ўнгимизда бутун миллат тимсоли бўлиб гавдаланади.

Айни кунларда Алишер Навоий таваллудининг 562

йиллиги мамлакатимиз бўйлаб кенг нишонланмоқда. Тошкент Давлат юридик институтига ҳам "Алишер Навоий — миллий маънавиятимиз даҳоси" мазусига илмий-маърифий анжуман ўтказилди. Ўзбекистон Фанлар академияси вице - президенти Тўра Мирзаев "Алишер Навоий асарларининг нашрлари хусусига" маъруза қилиб, жумладан шундай деди:

-Биз Навоийга тобора яқинлашиб бораётганимиздан мамнунмиз. Буюк шоирнинг мукамал асарлар тўплами мумкин қадар

тезроқ олам юзини кўрса, бу олам янада нурли ва кўркам бўлади. Бундай бебаҳо маънавий бойликдан тўла баҳраманд бўлиш биз учун ҳам, олам аҳли учун ҳам катта бахтдир.

Алишер Навоий номидиги Тил ва адабиёт институти Навоий бўлими бошлиғи, Яссавий мукофоти лауреати Иброҳим Ҳаққулов "Навоий ижодида шахс камоли ва жамият тараққиёти" тўғрисида ўз мулоҳазаларини баён қилди.

Анжуман қатнашчилари ҳузурига сўз олган ТДПУ

ўзбек тили ва адабиёти-ни ўқитиш методикаси кафедраси мудири, филология фанлари доктори, профессор Боқижон Тўхлиев "Навоий асарларида касб-ҳунар мадҳи" ҳақида, ТДЮИ профессори Нусратилла Жумахўжа "Навоий ижодиётида маънавий баркамол инсон ғояси ва тасвири" мавзусига маъруза қилди. Нотиқлар улуг шоирнинг ўлмас меросини тўла ўрганиш, уни англаш учун фурсат етганлиги хусусига гапирдилар.

Дарҳақиқат, давлатимиз раҳбари Ислон Ка-

римов ҳам Навоий шаҳрида ўрнатилган буюк бобаколонимиз хайкалининг очилишида: "Агар биз Навоийни мутафаккир десак, у мутафаккирларнинг мутафаккиридир, агар биз Навоийни олим десак, у олимларнинг олимидир", деган эдилар. Ҳақиқатдан ҳам унинг ижоди барча эзгуликлар гултожидир. Жонларга жон газалларидан бири-да:

Эл нетиб топқай мен-  
никим,  
мен ўзимни топмасам...  
дея наво тузган шоир  
бугун ҳам биз билан бир-  
гадир.

Гулчеҳра ХЎЖАНОВА,  
ТДЮИ катта ўқитувчиси,  
филология фанлари  
номзоди

## ЙИГИРМА ДАҚИҚАЛИК КЕЧА

Навоийнинг қалб олами бутун дунёга татигулик эканлиги, унга боғча боласидан тортиб, йирик олимларнинг ҳам қизиқишига шохидмиз. Хусусан, Чилонзор туманидаги 526-боғча-мактаб мажмуасида бўлиб ўтган 20 дақиқалик кечада ҳам худди ана шу ҳолатга гувоҳ бўлдик.

Биринчи тоифали бошланғич синф ўқитувчиси Дилбар Жалилова ўз ўқувчиларини улуг аллома руҳига яқинлаштириш учун бир, икки, уч дақиқалик кўри-нишлар ўйлаб топганки, бу билан болалар Навоий дав-рига кириб бордилар, унинг

тилида сўзлашдилар, қиёфасига кирдилар.

— 4- "Т (Тараққиёт)" синфининг болакайлари 200-мактаб худудига яқин 477-боғчадан саралаб олинган. Биз бундай тадбирларни улар билан тез-тез ўтказиб тураемиз. Ана шунинг самараси ўлароқ, ўқувчиларда ўз ота-боболари адабий, маданий меросига нисбатан қизиқиш ва эътиқод қатъий шаклланимоқда, — деди кечада сўзга чиққан боғча-мактаб ташкилотчиси, "Ўзбекистонда хизмат кўрсатган ёшлар мураббийси" Қаршигул Норқулова.

МУХБИРИМИЗ

Тошкент кимё-технология институтида "Навоий — авлодлар эъзозиди" деб номланган адабий-бадиий тадбир бўлиб ўтди. Адабиётшунос олим, Беруний мукофоти со-

Иброҳимова, Пулат Носиров, Саидкомил Умаровларнинг "Навоий—санъаткорлар талқинида" деб аталган чиқишлари, Абдуқаҳҳор Жалиловнинг "Танбур наволари" ашула-

## "БИЛКИ, БУ НАФ ЎЗИНГА КЎПРАК ДУРУР"

вриндори Мурод Иброҳим углининг "Алишер Навоийнинг ўзбек маданияти ривожидида тутган урни" мавзусидаги чиқишини тўпланганлар эътибор билан тинглашди. Ўзбек миллий академик драма театрининг таниқли актёрлари — Рихси

си, Мунира Обидованинг улуг мутафаккирга бағиш-лаб ёзган шеъри, талабалар ижросидаги Лайли ва Мажнун, Фарҳод ва Хисрав диалоглари, қуй, қўшиқ ва рақслар тадбирга файзу тароват бағишлади.

Г.КЕЛДИЁРОВА

Куни кеча 318-сонли ихтисослашган мактаб-боғча мажмуасида буюк мутафаккир Алишер Навоий туғилган куннинг 562 йиллигига бағишланган "Навоийхонлик" кечаси бўлиб ўтди.

Тадбир 4"А" синфида мусиқа дарси билан бошланди. Дарсда ўқитувчи Алишер Эгамов А.Исроиловнинг "Гул Ватан-

## БОБОМИЗГА БАҒИШЛАНГАН КЕЧА

да" қўшиғини ўргатиш билан бирга буюк аждодларимизнинг ҳаёти, ижодий фаолияти ҳақида ўқувчиларга етарлича маълумот берди. 2003

йилнинг "Обод маҳалла йили" деб эълон қилиниши ҳақида мунозара, А.Навоийнинг ёшлик йилларини акс эттирувчи саҳна кўринишларини намойиш қилиш орқали ноанъанавий услубда дарс олиб борилди.

Ўқувчиларнинг билимларини баҳолаш мақсадида янги педагогик технологиядан фойдаланган ҳолда компьютер орқали тест-синови ўтказилди ва дарсда қатнашган 34 нафар ўқув-

чининг барчаси "яхши" ва "аъло" баҳо олишга муваффақ бўлдилар. Шундан сўнг 1-4-синфлар ўқувчилари буюк бобаколонимизнинг

хикматли сўзлари, рубойлари ва газалларидан намуналар ўқидилар.

Мажмуада ўтказилган Навоийхонлик тадбири ёш авлод қалбида она Ватанга бўлган муҳаббатларини янада оширишда муҳим аҳамият касб этди.

Мухбиримиз  
Зафар БАКИЕВ олган  
сурат



## САҲНАДА "ЛАЙЛИ ВА МАЖНУН"

Айни кунларда буюк мутафаккир, шеърят мулкининг султони Алишер Навоий таваллудининг 562 йиллигига бағишланган кўплаб тадбирлар ўтказилди. Ана шундай тадбирлардан бири Миробод туманидаги русийзабон мактаблардан бири Ирина Ли раҳбарлик қилаётган 31-ўрта мактабда ҳам бўлиб ўтди.

Мактаб директорини маърифат ва маънавият ишлари бўйича ўринбосари Махсума Нишоновна "Алишер Навоий — буюк шоир ва сўз санъаткори" мавзусида атрофлича сўз юритди. Сўнгра, буюк шоир ҳаёти ва ижоди юзасидан савол-жавоблар уюштирилди, газаллари ёд айтилди.

Тадбир якунида шу мактабнинг ўзбек тили ўқитувчиси Зулфия Ўринова иқтидорли ўқувчилари билан биргаликда йиғилганларга Алишер Навоийнинг "Лайли ва Мажнун" асаридан кичик саҳна кўриниши намойиш этдилар. Хуллас, ушбу тадбир қизиқарли ва жозибали ўтди.

Марям  
САИДМУРОВА,  
Миробод  
туманидаги  
31-мактабнинг  
ўзбек тили фани  
ўқитувчиси









## Farmon va ijro

Ўзбекистон Республикаси Президенти Ислам Каримовнинг 2002 йил 30 майдаги «Компьютерлаштиришни янада ривожлантириш ва ахборот-коммуникация технологияларини жорий этиш тўғрисида»ги Фармони педагогик кадрларни қайта тайёрлаш ҳамда малакасини ошириш тизимида ҳам ҳар жиҳатдан тааллуқли бўлиб, бу хилдаги муассасаларнинг инфор­мацион тузилмаларини шакллантириш вази­фаларини юклайди. Ўзбекистон Миллий университети қошидаги Олий педагогика ин­ститутида академик лицей ва касб-хунар коллежлари педа­гогларини инфор­мацион тех­нологиялар йўналишида касбий қайта тайёрлаш курсига доир режа ва дастурлар тузилди. Про­фессорлар Ш.Нуритдинов, Х.Райимов, Д.Боқиев, доцент­лар Ю.Юнусов, Н.Иноятов, А.Ба­ходировлар муаллифлигида ту­зилган бу режа ва дастурлар бугунги кунда таълимга жорий этилмоқда.

«Келажак учун таълим» INTEL, яқинда тасдиқланган «2002-2010 йилларда Электрон Рос­сия» федерал мақсадли дасту­рида ҳам ўқитувчиларнинг фан­ларга оид инфор­мацион мухит­ларини яратишга ўргатиш ма­салалари қўйилган. «АКТни қўллаш» босқичдан «АКТни ўқув жараёнига узвий қўшамиз» босқичига ўтиш кузати­лмоқда. Ўқитувчиларни ишлаб чи­қаришдан ажралган ҳолда қайта тайёрлаш ва малакасини оши­

ришни ташкил қилишнинг му­раккаблиги қайд қилиниб, янги инфор­мацион ва педагогик тех­нологиялардан фойдаланиш, масофавий ўқитишнинг замона­вий шакллари Финляндия, Россиядаги каби қўллаш маъ­кул деб топилмоқда.

Анъанавий моделларга бино­ан, педагогларни тайёрлаш уч босқичда олиб борилади: ком­пьютер саводхонлигини эгал­лаш, телекоммуникацион тех­нологик воситаларни ўзлашти­

рирининг ҳужжатларни яратиш ва тахрирлашидан хабардор бўлиш, электрон жадвал ва маълумот базаларига кириш камраб олинган.

Кейинги босқичда эса теле­коммуникацион ва Интернет тармоғининг ишлаш тамойил­лари, бу хилдаги воситалар­нинг асосий механизлари — электрон почта, гиперматн, турли хил дастурлар, сервер­лар, файлларни узатиш, саҳи­фаларни яратиш ва уларни

## ЎРТА БЎҒИНАДА КОМПЬЮТЕР

риш ва фан­ни ўтиш бўйича малакани оши­риш. Биринчи ва иккинчи босқичга кундузги-сиртки шак­лда 36 соатдан (ҳафтасига 2 марта), учинчи босқич эса кўпроқ сиртдан уюштирилмоқ­да. Биринчи босқичдаги курс­лар дастурларида компьютер ва унинг иш меъёрлари билан та­нишиш, унинг клавиатурасини ўзлаштириш, клавиатура трена­жери билан ишлаш, операци­он муҳитнинг асосий тушунча­лари — иш столи, файллар, папкалар, ойналар, иконкалар­ни эгаллаш, иш курулларни ўтказгич, стандарт дастурлар — блокнот, график муҳаррир, иж­рочи, мультимедиа асбоблари­дан фойдаланиш, матн муҳар­

яра­тиш инстру­ментлари, уни серверда жойлаштириш каби мавзулар кўрилади.

Лойиҳаларга биноан, ижо­дий гуруҳлар (одатда бир ўқув юрти педагогларидан) йиғи­либ, тажрибали информатика педагоглари иштирокида юқорида баён қилингандек, кундузги-сиртки шаклдаги курслар ташкил қилинмоқ­да, бундан ижобий самара ку­затишмоқда. Биобарин, мето­дик таъминот, электрон мате­риалларнинг манбаси вужуд­га келаяпти.

Яратилган касбий қайта тай­ёрлаш режаси тўрт блокни ўз ичига олади: давлат дастурла­ри ва талаблари; информати­ка ва инфор­мацион техно­логиялар; таълимда инфор­маци­он технологиялар; фанга оид тайёргарлик.

**Биринчи блок**да «Компью­терлаштириш ва ахборот-ком­муникация технологиялари бўйича Давлат дастурлари» ва «Педагогларга қўйиладиган Давлат талабларида инфор­мацион технологиялар» фанлари назарда тутилган. **Иккинчи блок** «Интернет асослари», «За­монавий инфор­мацион техно­логиялар» ва «Информатика асослари» каби умумтехно­логик фанларни камраб олган.

**Учинчи блок**да «Информаци­он технологияларни қўллаш­нинг педагогик-психологик жи­ҳатлари», «Ривожланган дав­латларда медиатаълим», «Мус­тақил ишда инфор­мацион техно­логиялар», «Компьютерли илмий-тадқиқот усуллари ва имитацион моделлаштириш» ҳамда «Педагогик дастурий воситалар» махсус курслари бўйича назарий ва амалий машгулотлар ўтказиш режа­лаштирилган. Якуний **тўртин­чи блок** «Муайян фанларни ўқитишда электрон дидактик материаллардан фойдаланиш ва «Замонавий инфор­мацион технологияларнинг муайян фан мазмунига таъсири» масалала­ри педагогик фанлар мисоли­да кўриб чиқилади.

Сирасини айтганда, акаде­мик лицей ва касб-хунар кол­лежлари ўқитувчиларини за­монавий технологиялардаги дастур мазмунлари билан та­ништиришнинг аҳамияти ҳеч иккиланишсиз тан олинмоқ­да. Гап, уларни қўллашга бориб тақалганда эса, ўқитувчи ва мураббийлардан серфаҳмли­лик, синчковлик, қисқаси ук­вчанлик, маҳорат талаб қилина­ди.

Ҳ. ТҶИМАНОВА

## ЯНГИ НОМЛАР

Тошкентдаги замонавий санъат марказида Бадий академия қоши­даги Республика тасвирий ва амалий санъат лицейи ўқувчиларининг кўргазмаси очилди.

— Ўғлим Фазлиддинда расм чи­зишга иштиёқ беш ёшидан бош­ланган. У асосан табиат манзара­ларини чизарди, — дейди Ақила опа Икромов. — У чизган расмла­ридан завқланарди. «Яна нималар­ни чизсам экан?» дея бизга юзла­нарди. Республика тасвирий ва амалий санъат мактабига ўқишга бердик. Ўқиши давомида респуб­лика миқёсида ўтказилаётган кўпгина танловларда иштирок этди. Энг кувонарлиси, 2002 йил­да Чехияда ўтказилган танловнинг олтин медалига сазовор бўлди. Бугун эса, ўғлим ва дўстларининг илк кўргазмаси ўтказилмоқда.

Йиллар ўтади... Аммо, лекин ёш ниҳоллар қалбдаги севинч онла­ри қалбларига бир умр муҳрланиб қолади.

— Ўтган йилнинг ёзда мактаби­мининг уч истеъдодли мўйқалам соҳиби — Нигора Мирсолихова, Фазлиддин Икромов ҳамда Борис Седишев Россиянинг Суздаль шаҳ­ридаги халқаро ижод мактабига юборилганди. Улар МДХ ҳамда саксондан ортиқ хорижий давлат­дан келган тенгдошлари билан бир ой давомида тасвирий санъат бўйича таҳсил олишди, — дейди Республика тасвирий ва амалий санъат лицейи директори Сомий Содиқов. — Бу расмлар ўқувчи­ларим сафар таассуротларининг маҳ­сулидир. Мен уларнинг ижодлари­га муваффақият тилайман.

«Туркистон-пресс»

## ЎЗБЕКИСТОННИНГ ЭНГ ЙИРИК ВА УНИВЕРСАЛ БАНКЛАРИДАН БИРИ ХАЛҚ БАНКИ

Ўзбекистон аҳолиси ва меҳмонларини  
муқаддас ҚУРБОН ҳайити байрами  
билан муборакбод этади.

### МИЖОЗЛАРИГА

- «Сармоя плюс»,
- «Фахрий»,
- «Тома-тома қўл бўлур»,
- «Тадбиркор»,
- «Ишонч»,
- «Даромад» омонатлари
- «Тўёна»,
- «Комфорт»,
- «Таъмирлаш»,
- «Авто-кредит»  
кредит турларини

### ТАКЛИФ ЭТАДИ

Доимий ҳамкорларига  
янги, «НАВРЎЗ СОВФАСИ» — қисқа муддатли, ютуқли омонат турини жо­рий этилганлигини маълум қилади. Омонатга пул маблағлари 3 ой муддатга, камида 3000 сўм миқдорда қабул қилиниб, йиллик 30% ҳисобида даромад тўланади. Ҳар бир омонатчи белгиланган даромадларни олиш билан бир қаторда 1000000 сўм ютуқ совриндори бўлиш имкониятига эга. «Наврўз совфаси» омонатига пул маблағлари жорий йилнинг 10 мартига қадар қабул қилиниб, ютуқлар тиражи 2003 йилнинг 19-мартда Фарғона шаҳрида ўтказилади.

## ХАЛҚ БАНКИ — СИЗНИНГ ОИЛАНГИЗ БАНКИ!

Бош офис манзили: Тошкент ш. Катортөл-46  
Тел.: 173-69-15, 173-69-16







# МУСОБАҚА БАЙРОҒИ КЎТАРИЛДИ

Республикада "Кувноқ стартлар" телевизион мусобақалари ўтказиб келинаётганига ўттиз йилдан ошди. Мактабларда, туман ва вилоятларда ўтказилган белла-

ташам залида XX Республика "Кувноқ стартлар" телевизион мусобақалари финал беллашувлари очилиши маросими байрамона ўтказилди. Унда Халқ таълими вазирли-

Финал мусобақаси саралаш учрашувига йиғилган ўқувчиларни миллий кураш бўйича жаҳон чемпиони Камол Муродов қизгин қутлаб, уларга спорт чўққиларини эгаллашда омад тилади.

Шу куни тадбирга ташриф буюрганлар Самарқанд вилоятининг Паст Дарғом туманидаги 105-мактабнинг "Умид" ва Жиззах шаҳридаги 11-мактабнинг "Омад" жамоалари ўртасидаги қизгин беллашувни, мусобақа олдидан ва учрашув оралиғида Тошкент

## "Quvnoq startlar"

эстрада ва цирк коллежи талабаларининг бадий гимнастика, акробатика бўйича чиқишларини мароқ билан томоша қилишди.

Самарқанд ва Жиззах вилояти спортчилари ўртасидаги беллашувда ҳар икки жамоа вакиллари голиблик учун астойдил ҳаракат қилишди. Дастурнинг биринчи шартда ("Чаққон коман-



да") ўмбалоқ ошгач, тўсиқлардан чаққон ҳаракат билан ўтиш ва марра чизиғидан старт жойига қайтишда самарқандликлар голиб чиқиб, 3 очкони қўлга киритишди. Дастурнинг "Тўсиқлар оша", "Аниқ нишон", "Ғалаба сари" ўйин ва эстафеталарида ҳамда конкурс (ҳар командадан 1 тадан спортчининг оёқни осмонга кўтариб қўлда маррага бориш) беллашувида ҳам "Умид" жамоасининг қўли баланд келди.

Миллий халқ ўйинларидан "Белбоғ тортиш" шarti ҳам ҳаяжонли кураш остида ўтди. Бу баҳсда самарқандлик қизлар ҳам, ўғил бола-

лар ҳам кучли ва чапдаст эканликларини кўрсатишди. "Қўл тўпи"да эса "Умид" қизлари тўпларни бир-бирларига аниқ ошириш ва дарвозани нишонга олишда беҳато ҳаракат қилишди ва 4:0 ҳисобида ғалаба қозонишди.

Дастурнинг 10 та мусобақасидан фақат охириги ўйинда "Омад" жамоаси ютуққа эришди.

Учрашувда самарқандлик ўқувчилар катта фарқ билан (25:9 ҳисобида) ғалаба қозонишди ва чорак финалга йўлланма олишди.

**Ғ. МАННОПОВ**  
Суратларда: учрашувдан лавҳалар.  
**Б. РИЗОҚУЛОВ** олган суратлар.



шувларда миллионлаб ўқувчилар ўз спорт маҳоратларини ошириб, жисмоний ва маънавий жиҳатдан камол топаётдилар.

4 февраль куни Марказий ҳарбий спорт клубининг муҳ-

ги, Давлат жисмоний тарбия ва спорт кўмитаси, Таълим ва фан ходимлари касаба уюшмаси Марказий кўмитаси ва қатор жамоат ташкилотларининг масъул ходимлари қатнашишди.



Бухоро шаҳридаги 17-мактабнинг ўнинчи синф ўқувчиси Миршод Муҳаммадиев ва унинг синглиси 15 ёшли Феруза кўп йиллардан буён шахмат билан шуғулланишади. Улар ўтган йили Республика мактаб ўқувчиларининг "Умид ниҳоллари" мусобақаси

финал босқичида вилоят шарафини ҳимоя қилишган эди. Бу йил ҳам ака-сингиллар аънани давом эттиришга қатъий ният қилишган.

Шу боис улар мусобақанинг 8-11-синф ўқувчилари ўртасида қишки таътилда ўтказилган Тўқимачилик туман босқичида ҳам рақибларини ортда қолдириб, биринчи ўринни эгаллашди. Айни пайтда Миршод ва Феруза март ойи-

## УМИД ВА ИШОНЧ БИЛАН

Киши жисмонан соғлом бўлмай туриб бирор ишга қўл уриши қийин кечадди албатта. Инсоннинг руҳига, шижоатига тетиклик керак. Бу кайфиятни фақатгина спорт бера олади. Бола ҳам ақлан, ҳам жисмонан соғлом усса, у соғлом фикрлаши шубҳасиз..

Дунё спорт сахнасида чемпионларни етиштириб бераётган юртимизнинг бу соҳада қўлга киритаётган ютуқлари бутун халқимизга татийди ва ёш спортчиларимизда келажакка нисбатан дадил назар билан қараш шиддатини уйғотади. Айниқса, пойтахтдан жуда олис туман ва шаҳарларда болалар спортга булган муносабат узғариб, жисмоний тарбия масалаларига эътибор кучаймоқда.

Қорақалпоғистон Республикаси Беруний туманида жойлашган Беруний педагогика коллежи ўқитувчи — талабаларининг мамлакатимиз миқёсида қўлга киритган зафарлари талайгина. Асли уз номига муносиб педагог кадрларни етиштириб бе-

рувчи бу даргоҳда, барча соҳалар қатори спортга ҳам муносабат юқори.

Жумладан, Жиззах вилоятида ўтказилган "Баркамол авлод" спорт уйинларида коллежнинг волейбол бўйича ўғил болалар жамоаси фахрли III ўринни эгаллаган эди. Туман саралаш босқичида бу йилги голибликни ҳам мазкур коллеж жамоаси қўлга киритиб, Қорақалпоғистон миқёсида ўтказилган III босқич мусобақаларига йўлланма олишди. Яна бир ютуқ: "Баркамол авлод" спорт уйинларидан жой олган ўзбек кураши мусобақаларида ҳам умумжамоа ҳисобида энг юқори натижага эришилди ва галдаги босқичга чиқилди.

Жисмоний тарбия — соғлом, тетик яшаш дегани. Ақлий тарбия эса яшаш нималигини англашдир. Бу иккисининг умумлашмаси қайсики ёш авлод вакилида мавжуд экан, демак у замону замонга керак шахс.

**Рустам**  
**ЎТАМУРОД**



## ЯНА БИР БОР ФУТБОЛ ҲАҚИДА...

Пойтахтимиздаги футбол мактаб-интернатида мактаб ўқувчилари ўртасида футболни янада ривожлантириш, унинг оммавийлигини ошириш мавзусида футбол мактаб-интернатлари раҳбарларининг амалий семинари бўлиб ўтди.

Халқ таълими вазирлиги, Республика таълим маркази, Ўзбекистон футбол федерацияси, Ўзбекистон "Ёшлик" кўнгилли спорт жамияти марказий кенгаши ва Хамза тумани халқ таълими бўлими билан ҳамкорликда ўтказилган ушбу анжуманда Вазирлар Маҳкамасининг 1996 йил 17 январдаги "Ўзбекистон футболни ривожлантиришнинг ташкилий асослари ва принципларини тубдан такомиллаштириш чора-тадбирлари тўғрисида"ги, шунингдек, 1998 йил 27 майдаги "Ўзбекистонда жисмоний тарбия ва спортни янада ривожлантириш чора-тадбирлари тўғрисида"

ги қарорларнинг ижросини амалга ошириб, бақувват, эпчил, соғлом, ватанпарвар ўқувчи-ёшларни тарбиялаш лозимлиги ҳақида гап борди. ХТВ Ҳарбий ватанпарварлик, жисмоний тарбия ва спорт бошқармаси бошлиғи Т. Муҳитдинов, Ўзбекистон футбол федерациясининг мутахассиси В. Шодиматовлар ўз маърузаларида футбол мактаб-интернатларининг ўқувчи-ёшлар ўртасида футболни янада ривожлантириш, унинг оммавийлигини ошириш, моддий базасини мустаҳкамлаш тўғрисида, уларнинг аҳволи ва спортчи ўқувчи-ёшларимизнинг ютуқлари ҳақида маълумотлар беришди.

Мулоқот тарзида бўлиб ўтган семинарда келгусида амалга ошириладиган ишлар белгилаб олинди.

**М. МАГАМЕТОВА,**  
Республика таълим маркази  
"Соғломлаштириш" бўлими  
бошлиғи ўринбосари

## АКА-СИНГИЛЛАР АҲДИ

да ўтказилиши мўлжалланган вилоят баҳсларига ҳозирлик кўришаёпти.

Туман халқ таълими бўлими йўриқчиси Ноила Камолованинг айтишича, "Умид ниҳоллари" анча оммавий тус олиб бораёпти. Синфлар ўртасида ўтказилган босқичда 3200 нафардан зиёд ўсмир бола ва қизлар иштирок этишган бўлса, уларнинг 900 нафари туман босқичида қатнашдилар.

Янги-янги истеъодларни кашф этишда, уларнинг спорт билан шуғулланишлари учун кенг имкониятлар яратишда ва иқтидорларини намойиш этишда шубҳасиз бу аънавий тадбирнинг аҳамияти каттадир.

**МУХБИРИМИЗ**



Хурматли Кирғизбой СОТИМОВ!  
Сизни таваллуд айёмингиз ва 55 баҳорни қарши олаётганингиз билан чин дилдан қутлаймиз. Сизга узок умр, бахт-саодат, ёш авлод тарбияси йўлидаги ишларингизга зафарлар тилаб қоламиз. Фарзандларингиз, шогирдларингиз ва ҳамкасбларингиз бахтига доимо соғ-саломат бўлинг.

Жиззах вилояти Бахмал туманидаги 47-ўрта мактаб ўқитувчилари.

